

ENDOGENOUS PIGMENTATION

LIPOFUSCIN

قلب العجوز كل ما يكبر يغمق ولا يفتح؟ يغمق
كل اما الإنسان بيكبر قلبه بيصغر
كل ما الإنسان بيكبر قلبه ييغمق
ليه قلبه بيصغر؟ لان الخلايا اتكسرت ولم تعوض
ليه قلبه ييغمق؟ لان الخلايا الى اتكسرت طلع منها lipofuscin بسبب الـ peroxidation of phospholipid واطرسبت
في الخلايا التانيه الجديده الى في قلبه

لو جيتوا بصيتوا على هذا القلب، قلب رجل عجوز بيسموه senile atrophy الضمور في السن الكبير بسبب ان
فيه مرض عنده بيخليه ان الخلايا تتكسر

الـ “gross features” القلب ده كبير ولا صغير؟

صغير، عرفتوا منين انه صغير؟
فيه عيال تقولك الجارات دي احنا مبنشوفش فيها حاجه هم بيخلونا نقول الى هم عايزينه فنقوم احنا نقوله
لكن من جوه بتاع الباثولوجي دول ولاد معرفش ايه، صغير؟ صغير
طب ليه صغير؟

الفرق انك فاهم او مش فاهم، انا بقلكم القلب صغير، ايه الدليل ان هو صغير؟
حجم القلب normally يا دكاترة، فيه معلومة في الأناتومي ان القلب مشدود عليه الـ coronary، القلب هو الـ
diastole، جوه الجار بيبقي قلب واقف يعنى in diastole
خدتوا في الأناتومي ان الـ coronaries بتبقي stretched ولا tortuous؟
during diastole بتبقي stretched، لان during systole القلب بيصغر فهي تبقي tortuous والدم يقف، فاهمين
حاجه؟
القلب ده في الـ diastole وانتوا شايفين هنا اداكموا الـ coronary، stretched or tortuous؟
ده tortuous
طالما tortuous وهو in diastole معناها القلب حجمه ايه؟ صغر

VISIT...

LANZAROTE
Caliente.COM

القلب ده reduced in size، عرفت منين ان هو صغير؟

لان coronaries are tortuous معناها ان هو صغر، طب هو ليه صغر؟
لأنه قلب راجل عجوز فقدت خلاياه ولم تعوض

ال myocardium زي ما انتوا شافين لونه ايه؟ brownish or dark brownish ؟

dark brownish، ليه؟

لان اتخزنت فيه ال lipofuscin من خلايا القلب الى ماتت قبل كده تحت الميكروسكوب دي شكل ال lipofuscin
بنلاقى السيتوبلازم pigmented

فيه brownish pigment هي دي ال lipofuscin pigment

وال condition دي اسمها brown atrophy of the heart

في ال brown atrophy of the heart بتاخدوا جار agross y ال heart بيبقي reduced in size، عرفت منين؟ ال
coronaries are tortuous وال myocardium dark brown ال myocardium atrophied تحت الميكروسكوب ال
lipofuscin بتبان على شكل brown pigment في السيتوبلازم

كانوا زمان بيسالوا في الشفوى للناس الشاطرة ال lipofuscin pigment بنصبغها باي pigment؟

هي مش محتاجه تتصبغ لأنها pigment

كان يجي يقولك امال نشوفها بيايه؟ تقول له E without H لأن normally ال H بيصبغ ايه؟

ال nucleus، ال pigment دي موجوده فين؟

في السيتوبلازم، لو جيت صبغت السيتوبلازم هتبان؟

فدي مصبوغه ب E without H

اول condition بيزيد فيها ال lipofuscin هي ال brown atrophy of the heart

وده جار عندكوا

2 بيزيد في مرض او condition اسمها **melanosis coli**، هو يعني ايه كلمة melanin ؟ Black

اسمه القولون الأسود

عارفين ان العواجيز ممسكين، يعني ايه ممسكين؟

عندهم constipation مبيعرفوش يخشوا الحمام يعملوا بيبي

فعشان يخشوا الحمام بياخدوا purgative، عارفين يعني ايه؟ يعني شربة الى جمعها شربات

ايه الشربة دي؟ كانوا بياخدوا شربة اسمها anthraquinone عشان يخش الحمام، هذه ال anthraquinone بتموت

خلايا الكلى والقولون ودي فكرة شغلها

لان لما بتموت خلايا من القولون، هل هتمتص المياه؟ لا

هي ايه وظيفة القولون؟ reabsorption of excess water

مش هتمتص المياه فتبقي كمية البراز كتيرة فت stretch القولون ويعرف يخش الحمام

اما ناس بتاخد anthraquinone habitral، كل اما يخش الحمام لازم ياخذ شوية، كمية الخلايا بتاعته الى بتموت في

القولون كتيرة ولا قليلة؟ كتيرة

يبقي بالتالي ال lipofuscin الى بينتج منها كتير ولا قليل؟ كتير

فبالتالى بتخش فى بقيه الخلايا بتاعة القولون ويبقى القولون لونه اسود

هل الصبغه الى عملت الـ melanosis coli هى زياده الـ melanin ولا الـ lipofuscin؟

الـ lipofuscin، امال ليه سموه melanosis coli؟

لان الـ melanin يعنى black

الـ lipofuscin is a normal wear and tear pigment

كل ما هنعيش كل ما هتكون اكر لان الـ cell membrane فى جسمنا لا يعاد استخدامها وانما يحصلها peroxidation into lipofuscin

تطبيق من الحياة:

لو واحد فيكوا او واحده راح لواحد جزار فقداموا حتتين لحمه، الجزار هيقولوا كده، اداك لحمه فاتحه مش حلوة مفيهاش حديد، وفيه لحمه غامقه جميله مليانه حديد خدها، تاخذ الفاتحه ولا الغامقه؟
الفاتحه، شاطرين مياخدش الغامقه ليه؟ لان الغامقه مش غامقه عشان الحديد، الغامقه غامقه عشان الـ lipofuscin
هياخدوها ان العجل كبير ومعناها ان هيقعد يسويها فى 10 ايام
فاهمين ولا مش فاهمين؟
اكتبوا عليها category B

بيجيلكوا فى الجار class A بيقولك ليه الـ coronaries are tortuous

because the heart is reduced in size : كلمة واحده

اشهر pigment بس مبيطلعش منها pigment واحده، pigments كثير، الـ hemoglobin، الـ hemoglobin دى
صبغه موجوده فى جسمنا ولكن بيطلع منها pigments كثير
عشان تعرفوا الـ pigments الى بتطلع من الـ hemoglobin دى حاجه خدتوها اسمها hemoglobin metabolism
خدتوها فى البايو والفسيولوجى، هتاخدوها فى الباثولوجى والفارما وهتاخدوها فى الأطفال والباطنه والجراحه
وهتاخدوها فى الماجستير
وانا محفظتهاش الأ فى الماجستير ساعتها كنت فى الجيش، انتوا حافظينها؟ طيب حلوا!

الـ hemobilirubin، direct ولا indirect؟ معرفش يجاوب

انا كنت فى الجيش ساعتها كنت همتحن first ماجستير جراحه عظام وكانوا عندنا فى الجيش القائد بتاعنا دكاترة، يقولنا
حاجه من الأتتين يا تقعد فى الكانتين يا تقف فى الطوابير
فممكنش حد فى دفعتى يقعد فى الطوابير لان فى الطوابير بيطلع عينا لكن فى الكانتين بناكل سندوتشات وبتفرج على افلام؟
طب هتذاكر؟

دفعتى كلها تقعد فى الكانتين لدرجه ان انا فى الفترة دى فكرت ان انا اسيب الطب واشتغل مخرج وكنت ساعتها بذاكر
first ماجستير جراحة عظام فكان نفسي احوال كل الأمراض لافلام فتبقي سهل اوى حفظها لان الإنسان بيحفظ الفيلم
بسهولة ولو سالناه فى اى حدث من الأحداث يجاوب لكن فى المذاكرة بيقد يحفظ 100 مرة ان مشهد يلزق مبيلزقش

فعملت اول فيلم واخر فيلم في حياتي الى هو Hb metabolism الى انا هدهوكم دلوقتى تتفرجوا عليه بس مش هتشوفوه، انا الى همثله واحد من دفعتى ربنا كرمه واشتغل في المجال ده " باسم يوسف "

ده كان دفعتى وعلى نفس الدكة بتاعتى جنب الفيلم بتاع نادى الجندى بس هو اتاثر جدا بالأفلام ساب الطب واشتغل الشغلانة دى

فيلم الـ Hb metabolism ده فيلم عربي زى كل الأفلام العربي، واحد بيحب واحده وهى اتطلقت وهو دخل السجن في النهاية

يحكى في قديم الزمان ان كان فيه عيله سعيده اسمها عيلة الـ Hb لانها مكونه من ام وزوج بيضه وتخينه اسمها globin والأب اسمه bilirubin شايلى ابنه الصغير على كتفه واسمه iron ودايما لازق فيه، وكانوا عايشين في شقتهم الجميله الى اسمها RBCs لمدة 120 يوم + او - اسبوع لحد ما دخل عليهم ناس صيع reticulo endothelial " system " في الـ bone marrow ، liver ، spleen كسروا الشقه فوق دماغهم وفجاه العيله دى لقت نفسها في الشارع انتوا تستعبطوا؟ هو فيه شارع في الجسم D: !!

لقت نفسها في الـ blood اول ما العيله دى بافراها لقت نفسها في الـ blood كعادة السيدات دائما، معاك فلوس وشقه زى الفل، في الشارع هى والزمن عليك، قالتله الى هى الـ globin انا من عيلة كبيرة اوى اسمها عيله amino acid pool، راحت سيياهم وطلعت على العيله

الست طلعت كده - الراجل هيطلع راجل؟ لا، قال اروح العب مع ولاد خالى وفجاه الـ bilirubin لونه اخضر وبقى اسمه bilirubin ودلوقتى بقا عايش في الدم عشان كده سميته hemobilirubin بس الـ bilirubin ده كان متجوز والى اتجوز لازم يتجوز، قعد يدور على بنت في الدم يتجوزها ملقاش بنت محترمة يتجوزها لانها في الدم، لقي بنت بيضه وطويله وهبله، مين؟ الـ albumin قالها يا albumin تتجوزيني؟ قالتله انت عيب انا فتاة من فتيات الدم متجوزش، قالتله خيلنا كده حلوين مع بعض في الحرام لحد ما ربنا يفرجها وانت عندك شقه يا مدهول على عينك؟

المهم لحد هذه اللحظة العلاقة التي تجمع الـ hemobilirubin بالـ albumin علاقة سوية ولا غير سوية؟ غير سوية

يعنى direct or indirect ← indirect

insoluble ← water soluble or insoluble

والراجل ده كان مبسوط في الحياة الى عايشها دى لحد ما جه يوم قرا في الجرايد ان الحكومة بدات تساعد الشباب المتعسر وعمالهم مساكن شعبيه في حته جديده كده اسمها liver

قعد يزن على ودانها كفايه حرام تعالى نتجوز تقوله طب والشقه يقولها الحكومة بنت تيببت دلوقتى شقي حلوة في حته جديده اسمها الـ liver والمثل عندنا يقولك الزن على الودان امر من السحر

برغم انها فتاة من فتيات الدم خدها من ايديها وطلعوا على الـ liver اول ما دخلت هناك لقت المنظر لا يطاق والمنطقه زباله قالتله لا الدم احسنلى من كده
مين هناك شاف المنظر ده؟ واحد بواب عنده ايتين اخوات عوانس، البواب تخين واقرع بكرش واخواته العوانس اسمهم glucuronic acid وهو كان اسمه glucurase
قاله هجوزك بناتي الأثنين، جوزه 2 molecules of glucuronic acid
دلوقتي الـ bilirubin عايش في الـ bile، ينفع نسميه cholebilirubin ولا مينفعش؟
ده الـ cholbilirubin متجوز ولا في الحرام؟ متجوز
يعنى direct or indirect؟ direct
بيحب مراتاته ولا ميحبهمش؟ لازم يحبهم

الى اتجوز واحده لازم يحبها لان العشره متهونش الأ على ابن الحرام، قعد الـ Bilirubin يلف هو ومراتاته في الـ liver لحد ما جم في يوم وقالوا ايه ده انت من ساعه ما اتجوزتنا واحنا قعدنا كده في الـ liver قالهم ان في الـ liver هنا كويس لو خرجت في الـ bile اتوه من bile duct لـ common bile duct الخ
قالوا هناخد معانا واحد مطلق من الحته كده يودينا ويرجعنا، مين الواد الى راح معاهم؟
الـ bile salts

راح الـ bilirubin بمراتاته بالـ bile salts من الـ intrahepatic للـ extrahepatic للـ common bilr duct على الـ small intestine لحد الـ ileum وطلع الـ bile salt واطى واطى، سابهم وراح راجع لوحده على الـ enterohepatic circulation
فضل الـ bilirubin بمراتاته في الـ ileum والريحه هناك وحشه وشهم اسود بقى اسمهم stercobilinogen

وده الى مسئول عن اللون البنى للبراز، جزء حاولوا يفلصوا طلعوا الدم ونزلوا في البول بقا اسمهم urobilinogen وكل الموضوع انتهى في الحمام
نستخلص من ذلك ان فيه pigments كتيرة بتطلع من الـ Hb
اول هذه الـ pigments كان الحديد والـ bilirubin
حديد وبروتين كان اسمه hemosiderin صح كده

هو الـ bilirubin كان direct ولا indirect؟ indirect

ليه indirect؟

عشان كان عايش مع الـ albumin في الحرام
والـ cholbilirubin؟ كان direct "جواز شرعى"
اول pigment بتطلع من الـ Hb اسمها hemosiderin

ايه الـ HEMOSIDERIN ؟ ؟

حديد ومعاه بروتين

عشان كده الـ hemosiderin : iron free pigment or iron containing ؟

iron containing

وانتوا عارفين اننا بنكشف عن الحديد بصبغه اسمها؟ prussian blue reaction

بنحط HCL + ferrocyanide+ potassium

سمعتوا عن الـ prussian blue reaction ؟ مش مهم

الـ hemosiderin : iron containing يعني يدى +ve

هناخد الحالات الى بيزيد فيها الـ hemosiderin في الجسم

الـ hemosiderin ← category B

الـ hemosiderosis نوعين

LOCALIZED

يا اما يبقي localized، يعني بيحصل at the site of hemorrhage

مجرد ان الـ Hb يطلع الـ globin بتسيبه، ما تبقي اسمه hemosiderin

الراجل الى اداكموا وهو بياكل عض على لسانه، الحته المعضوضه لونها ايه brownish and firm

مين الى مسئول عنها؟

الـ hemosiderin الى جاي من الهيموجلوبين وهيبيقي لونها بنى ونشوفه تحت الميكروسكوب على شكل brownish

dots

اديني امثله للأعراض، أشهر أمثله على كده lung congestion

تعرفوا يعني ايه lung congestion ؟ احتقان الرئة

لو واحد عنده left side heart failure، تعرفوا يعني ايه؟

الى left side مش شغال، الدم الى جاي من الرئة هيعرف يرجع لل left side، فالدم هيتحوش في الـ lung ويفرقع

يحصل hemorrhage، الـ hemorrhage ده هيجلى لون الرئة ايه؟ dark brownish

ايه الـ pigment الى زادت؟ hemosiderin

فيه مرض تانى اسمه endometriosis هناخده

الـ endometriosis يعني وجود الـ endometrium بره الرحم، فيه بنات كده عندهم الـ endometrium في عينيهم

فيه بيبقي عندهم في الـ brain وفيه بيبقي عندهم في الـ ovary

مع كل دورة الـ endometrium هينزل منه ايه؟ دم

بس هل الدم هينزل؟ لا هيتحول في الـ tissue الى hemosiderin

دى البنت الى كل ما يجيلها دورة تتعمى متشوفش
مرض نادر هنشرحه بعدين.

↓ اشهر امثلة على localized hemosiderosis

LUNG CONGESTIO ENDOMETRIOSIS

ده category B، لان فيه نوع تانى من انواع الـ hemosiderosis، زياده الـ hemosiderin ولكن مش فى حته فى الجسم كله

وده نوعين primary and secondary

لو جيت قتللك ان المرض ده primary يبقى سببه ايه؟ genetic or unknown

لو قتللك ان المرض ده secondary يبقى سببه ايه؟

secondary to other disease

مرض تانى يعمله

اشهر نوع من انواع الـ hemochromatosis 1ry هو الى بيسموه

HEMOSIDEROSIS

bronze diabetes، (مرض جمال عبد الناصر)

بسبب هذا المرض مصر دخلت فى 6 حروب

بسبب هذا المرض قتل استاذ بكلية طب القصر العيني عندنا

بسبب هذا المرض جمال عبد الناصر مات

الـ hemosiderosis ← primary hemochromatosis عشان تفهموا المرض ده لازم اشرح حته فسيولوجى مكتوبة

عندكم فى الكتاب وملهاش لزمة

اشرحها بسؤال، لو كلت فى اليوم طن حديد هيمتص منه ادايه؟

الى هيقول اى رقم يبقى مبيفهمش حاجه

مش همتص منه الا الى جسمك محتاجه، واحتياجات الجسم بتختلف من الراجل للس لى حد فبالتالى مفيش اى

رقم صح

ليه؟ لان كل الـ minerals لما ناكلها تمتص كلها ونستخدم الى احنا عايزين نستخدمه والباقي فى البول الا الحديد، ليه؟

لان الحديد لو امتص مبيقعدش فى الدم بيخش جوا الخلية فلا يفقد الا بفقدان الخلية

طب انا افقد خلايا ازاى؟ فبالتالى ربنا عمل لامتصاص الحديد system هو الوحيد الى ليه system

اشمعنا محصلش الأ في امتصاص الحديد؟

لأن الحديد هو intracellular catalyst يخش في الخلية ولا يفقد الأ بفقدان الخلايا فلازم اتحكم فيه بالكمية الداخلة في دمي وده اسمه aboferritin ferritin في الفسيولوجي سمعوا عنه؟
هعيده بسرعه وده عندكوا مكتوب بس مش مهم

ده عبارة عن ان الإنسان لو كل حديد بيبقي فيه حاجه اسمها apoferritin ناحيه ال intestine وناحية الدم، لو الدم مفيهوش حديد ياخذ الحديد من ال intestine يدخله الدم، طب قدر كان فيه؟ يسبب الحديد مشي من ادمه وينزل في البراز، والدليل ان لو حد فيكوا اكل كبده، باذنجان، خد اقراص حديد، البراز بتاعه هيبقي لونه ايه؟ اسود لان بقيه الحديد ممتص والجسم مش هياخذ الأ الى هو عايزه مفهومه النقطة دي؟

أهم نوع هوال primary اكتبوا عليه category A

بيسموه bronze diabetes؟ ايه المشكله؟

this is inborn error of metabolism

يعنى ايه inborn error يعني genetic

ايه العيب الى فيه؟

ان الإنسان من ساعة ما يتولد كل الحديد الى ياكله بيمتص، معندهوش ال aboferritin ferritin، كل الحديد الى هياكله هيتمتصه وهيدا الحديد يتسب في كل جسمه ويبوظه

يعني بتولد بيه، يبجي للرجاله وللسنات، لكن المرض ميظهرش الأ في الرجاله، يعني ال gene البايط ممكن الأقيه في ست عادي لكن ميظهرش الأ في الرجاله، اشمعني الرجاله هم بس الي يظهر فيهم المرض والسنات عمرهم ما يجيهم المرض؟ لأن السنات هم الكائنات الحيه الوحيده الي تقدر تفقد خلايا في ال menstruation او ال pregnancy فبالتي يقدرها يحملوا الحديد الزيادة فيها رغم ان ال gene بايط لكن عمر المرض مايظهر عندهم

المرض ده مش بتولد بيه؟ لكن متظهرش الأعراض الأ في ال 5th decade ال 5th decade هي العقد الخامس من 40 لحد 49 والعيان يموت على 52 53 ليه؟ عقبال ما كميّه الحديد تكفي ان هي تبوظ الخلايا، لو ست، بعد ال menopause هتعيش 50 سنه؟! مينفعش

نعيد ثاني

المرض ده inborn error of metabolism بيتميز ب abnormal absorption of iron يعني ايه abnormal absorption؟ كل الحديد الي هياكله هيخش جسمه مبيجيش الأ في الرجاله ولا السنات؟ الرجاله بس، يجي إمتة؟ مش هو genetic يعني بتولد بيه؟ هل الأعراض بتظهر وقت الولاده؟ no في ال 5th decade عشان كده جمال مات وسنه 52 سنه، اشمعني؟ لما الحديد زاد

حلو اما الحديد هيزيد هيتسب فين؟ على مستوى الدم، اول حته كان بيتسب فيها الجلد وعشان كده جبتلخوا صورته لجمال عبد الناصر، صورته الوان له، لأن لو جبت صورته أبيض وأسود بتلاحظوا إن لونه اسود، لكن بالألوان شايفين لونه عامل ازاي برونزي، ليه برونزي؟ لأن ال iron بيتسب جوه الجلد وال iron لونه برونزي ولما ال iron يتسب بي stimulate melanin formation كمان فيزيد ال melanin كمان، اللون البرونزي ده سببه حاجتين:

1- زيادة الحديد

2 - secondary increase of melanin والى

عشان كده جمال عبد الناصر لما كان يجي يخطب في الشمس، كان يعمل خطاباته كلها في الشمس الصبح لأن الشمس لما تقع عليه الناس اللي حواليه تشوفه بيلمع حواليه هاله من الضوء فده مرض ساعده ان يبقى له شخصيه، يبقى ليه دعايه كان بيلمع حواليه هاله من الضوء

تاني organ بيبقى affected البنكرياس، ولما يترسب في الـ β cells of Langerhans فالعيان يجيله سكر عشان كده الله يرحمه كان عنده سكر

ثالث حته يترسب فيها liver لأن لما يترسب في الـ liver hepatocytes ويترسب في الـ framework فعشان كان لو عاش -لكن هو مش عاش كان يجيله pigmented cirrhosis ليه pigmented؟ لأن الكبد بقى لونه غامق وباط وده كمان يقلب سرطان

رابع حته يترسب فيها القلب، فيترسب جوه عضلات القلب فالقلب يبوظ، يعرف يcontract؟ لأ، عشان كده الله يرحمه كان عنده heart failure

وبعد كده يترسب في أي حته، بس المؤلف مكتبش أول حته بيترسب فيها خوفاً من زميله في القصر العيني، لأن اللي كان بيعالج جمال عبد الناصر من الـ heart failure استاذنا رحمه الله عليه الدكتور انور المفتي وده كان استاذ cardiology في القصر العيني وده كان دكتور شاطر، فأنور المفتي لاحظ ان العيان بتاعه جمال لون جلده برونزي، وعنده سكر، وفي مرض لسه طالع جديد أيام جمال عبد الناصر اسمه bronzed diabetes المرض ده يشتغل عليه دكتور إنجليزي وبيقول إن سببه لخبطه في إمتصاص الحديد والدكتور الأنجليزي كتب إن أول حته بيترسب فيها الحديد الـ frontal lobe of brain الفص الأمامي من المخ مما يؤدي الى paranoid schizophrenia ودي أول الأعراض، عارفين يعني إيه paranoid schizophrenia؟ يعني جنون العظمة.

جنون العظمة يعني there is no impossible معندهوش حاجه اسمها مستحيله، اي حاجه هو يقدر عليها عشان كده جمال إيه الحروب اللي دخل فيها؟ 48، 52، 56، 67، حرب اليمن، حرب الجزائر، حرب في السعودية، وحرب في العراق، كل دي حروب دخل فيها، ليه؟ فاهمين حاجه، فطلب انور المفتي من الدكتور الأنجليزي إنه يجي مصر ويعمل دراساته على جمال عشان يقيس نسبة الـ ferritin والـ apoferritin والـ serum iron، فنزل الدكتور الأنجليزي وقعد في القاهره شهر كل يوم انور المفتي يروحله ها عند المرض؟ معرفش، عنده؟ معرفش، لحد ما جه يسافر ورجل جوه الطياره ورجل على السلم

انور المفتي: عنده؟

قاله آه عنده

قاله يعني بيترسب في الـ frontal lobe ؟

قاله طبعاً ده اول حته بيترسب فيها

قاله يعني عنده جنون عظمة؟ قاله آه

قاله تصدق ياريس انت راجل مجنون!

قاله بجد؟! قاله آه، كل القرارات بتاعتك دي متهوره وبتدل على جنون العظمه
قاله كويس إنك قولتلي مش عارف من غيرك كنت هعمل إيه

وفي هذا اللحظة انور المفتي

مش كل حاجه الأنسان يعرفها ممكن يقولها ومش في كل وقت ومش مع أي إنسان وفي هذه اللحظة أنور المفتي مضى
على شهادته وفاته لأن كان يتوجب الخلاص من أنور المفتي في شخصيه جمال لأن ده واحد بيقوله أنت مجنون، مين اللي
يقدرنا يموتوا الأنسان بسهولة؟ اقرب الناس له؛ صحابه.

الي قتلوا انور المفتي أساتذتنا دكاتره القصر العيني، راح جمال عبد الناصر لأعظم واحد فيهم

الراجل ده بيقول كذا وكذا وعابزين نخلص منه، قالوا له سهل جداً

في دوا إحنا بنستخدمه اسمه digitalis عارفين digitalis؟ digitalis ده positive inotropic بيقوي ضربات القلب
ولكن مشكلته إن هو ليه cumulative effect تعرفوا يعني إيه cumulative effect؟ تراكمي، أي حد بياخد digitalis لازم
يبطله يوم في الأسبوع

قالوا له كل يوم هنخلي الفراش يحطله قرصين digitalis في الأكل، بعد شهر يبدأ يعمل toxicity ويخش في heart
failure وموت، بدأ يحطله ثلاث مرات digitalis في القهوة، بعد شهر أنور المفتي دخل في heart failure واتحجز في
CCU (cardiac care unit) الـ
بس أنور المفتي دكتور cardiology، ومن أعراض التسمم بالdigitalis إن المريض المتسمم بيه بيلاحظ إن في دبانه
خضرا بتطير قدامه.

فكتب في مذكراته "أنا بشوف دبانه خضرا، ميكونش أنا متسمم بالdigitalis" وخد رأي أحد أأتذتنا زمايله وهو بيزوره
في الـ CCU، الي قالهم حطوله digitalis قاله أنا يابني بشوف دبانه خضرا ميكونش متسمم بالdigitalis؟
قاله أنت بتاخد digitalis؟
قاله لأ

قاله له خلاص قلقان ليه؟ اشرب القهوة دي تبقى زي الفل
ومات أنور المفتي

1^{RY} HEMOCHROMATOSIS/BRONZED DIABETES

دي category A بينزل نظري لاحظوا في كتابكوا مكتتبش إن أول حته بيتسبب فيها frontal lobe of the brain خوفاً
من اللي حصل في أنور المفتي، المعلومه اللي أنا قولتها الكوا لو حد قال د. فيصل قالها أنا معرفهوش

2^{RY} HEMOCHROMATOSIS

ممكن يزيد الحديد قي الجسم بحاجه 2^{ry} 2^{ry} لإيه؟ أشهر سبب لو حد عنده haemolytic anemia أنيميا بسبب
تكسر كريات الدم زي الـ thalassemia ، spherocytosis خدنا الكلام ده، لما تتكسر كريات الدم مش هيطلع منها حديد
hemosiderin؟ خصوصاً إن إحنا بنعالجها بـ repeated blood transfusion يعني هنديله تاني حاجات تتكسر.

عشان كده العيانيين عندنا في ابو الريش الي عندهم haemolytic anem وبنعملهم repeated blood transfusion مبنعملش كده وخلاص لأن كده إيه الي هيحصلهم؟ secondary hemosiderosis هتلاقوا في إبره في بطنهم بتحقلهم ماده، الماده دي iron chelating agent يعني إيه؟ تمسك في iron الي في الدم وتأخده من cytoplasm وتخليه ينزل في البول، فلانم يبقوا ماشيين على iron chelating agent

لحد دلوقتي كام سبب للـ 2^{ry} HEMOCHROMATOSIS؟

- 1) Haemolytic anemia
- 2) repeated blood transfusion

(3) normally هو مين الي بيستخدم الحديد عشان يصنع RBCs؟ bone marrow لو في bone marrow failure عيان عنده مشكله في الـ bone marrow هل هيعرف يستخدم الحديد في الجسم عشان يعمل بيه RBCs؟ هيجصل 2^{ry} hemochromatosis

(4) آخر شئ prolonged iron therapy لو واحد بنعالجه بالحديد عن طريق الحقن بنديله الحديد في الدم ساعتها هيجيله 2^{ry} hemochromatosis، هل ينفع عيان نمشيه على علاج بالحديد لمدة 150 سنه يجيله secondary hemochromatosis؟ لو أنت ادتهوله orally هينفع يجيله secondary؟ لأ، ليه؟ لأن هو عنده الـ system شغال لكن لو ادتهوله عن طريق الحقن ساعتها هيجيله، لأن أعراض الـ 2^{ry} hemochromatosis هي نفس أعراض الـ primary لكن مش severe لأن عمرها ما بتطول زي الـ primary

1^{ry} hemochromatosis → category A

2^{ry} hemochromatosis → category B

يجي يقولك في الـ MCQ: repeated blood transfusion يعمل primary ولا secondary؟ secondary
يجي يقولك bone marrow failure يعمل primary ولا secondary؟ secondary

اول pigment تنتج عن الـ Hb الـ hemosiderin ودي يا تزيد بشكل localized زي الـ lung congestion والـ endometriosis ياما تزيد بشكل generalized ودي نوعين: يا primary (in born error of metabolism) يا secondary للأربع حاجات دول

BILIRUBIN

في pigments تانيه بنتنتج عن الـ Hb ولكن كل هذه الـ category B pigments ملهاش لازمه زي pigment اسمها bilirubin تعرفوا الـ bilirobin؟ الـ iron free bilirubin ولا الـ iron containig؟ طبعاً، لونها yellow بتزيد في أمراض اسمها الـ jaundice، الـ jaundice هو اليرقان وليس الصفراء، الصفراء هي الـ viral hepatitis الي معاه jaundice لكن jaundice معناها يرقان، اسمها بالعربي كده

إليه الـ pigment الـي بتزيد في الـ jaundice؟ الـ bilirubin
iron containing ولا iron free
الـ bilirubin بيدي +ve ولا -ve prussian blue؟
ليه negative؟ مفهوش حديد

HEMATIN

الـ صبغه الـي بعديها الـي category B برضو، صبغه اسمها الـ hematin هي صبغه بتنتج من تفاعل الـ Hb مع strong acid أو strong alkali وأنتوا كنتوا بتستخدموها زمان مع حاجه اسمها الـ sahli apparatus كنتوا بتحطوا الـ Hb مع الـ HCL فيديكوا حاجه brownish دي الـ hematin

إيه الـ مرض الـي بيظهر فيه الـ hematin؟ مش مرض ده عرض، الـ hematemesis تعرفوا يعني إيه الـ hematemesis؟
heme يعني دم، emesis جايه من كلمه emetic يعني ترجيع، hematemesis ده عرض (ترجيع دم)، واحد عنده hematemesis يعني الدم بيرجع في الـ stomach يتحد مع الـ HCL فيبقى الدم لونه غامق الـي بيترجع
ليه بنقولكوا إن في الـ hematemesis بيبقى فيه الـ hematin؟ عشان دي مصيبه في الطب، لأن ممكن يجيلك واحد مغمى عليه وفي دم نازل من بوقه، ساعتها أنت محتاج تفرق بين 2 conditions
(1) هل دي الـ hematemesis؟ هتعملوا upper GIT endoscopy عشان توقف النزيف
(2) ولا دي الـ hemophysis، يعني إيه الـ hemophysis؟ heme يعني دم، physis يعني كحه
تفرق بينهم إزاي؟ بالمعلومه الـي قدامك دي، لو لقيت الدم الـي نازل من بقه dark brownish لدرجه إنه شبه تفل القهوة يبقى ده ترجيع ولا كحه؟ ترجيع، طب لو لقيت إن هو bright red؟ كحه

HEMOZOIN

آخر صبغه ممكن تطلع من الـ Hb اسمها الـ hemozoin، الـ hemozoin ده ينتج إمتة؟ بيبتج لما الـ Hb ياكله parasite الـ parasite الدوده لو كلت دم البراز بتاعها يبقى اسمه الـ hemozoin بيسموها parasitic pigment وده بعد كده بتزيد وتيجي الـ phagocytic cells في الجسم تاكلها، الـ phagocytic cells في الـ liver في الـ spleen ودي الـي مخليه المصريين لونهم قمحي، غامق، ليه المصريين لونهم غامق؟ لأن عندما تذكر مصر يذكر الـ bilharziasis، والـ bilharziasis دي blood flukes بتاكل الـ HB وتحوله لـ hemozoin ودي brownish pigment بتترسب في الـ جلد فعشان كده المصريين بتلاقي لونهم قمحي

كل ده category B

كده إحنا خلصنا الـ intracellular accumulation وهناخد الـ deposition وأول حاجه في الـ deposition ←
category A ده لازم يجي في امتحان نص السنه ومهم جداً في حياتكوا عشان تفهموه

CALCIUM

حاجه اسمها إن الكالسيوم يترسب، بس الكالسيوم مبيتربش جوه الخليه بيتربس بره الخلايا، اسمه pathological calcification اكتبوا علي pathological calcification ← category A نظري

الpathological calcification اربع أنواع، النوعين الأوليين، يعني إيه الأول pathological calcification؟ هو abnormal deposition of calcium salts in sites other than bone and teeth ترسيب الكالسيوم في أي نسيج ماعدا العظم والأسنان، لأن normally في bone and teeth يحصل physiological calcification لكن لو اترسب الكالسيوم في أي نسيج بخلاف العظم والأسنان فهو abnormal

بشكل عام لو عندي نسيج وحطيت فيه كالسيوم يبقى لونه إيه؟ أحمر ولا أخضر؟ chalky white أبيض طبشوري، ملمسه يبقى soft ولا hard؟ hard تحت الميكروسكوب الكالسيوم في جسم الإنسان بيتواجد على شكل أملاح calcium phosphate يعني acid عشان كده الكالسيوم تحت الميكروسكوب بيبان granules زرقا ولا حمرا؟ زرقا، ليه زرقا؟ لأن هو acid generally أي calcified tissue يبقى hard، تحت الميكروسكوب basophilic granules يعني زرقا

أنواع ال-PATHOLOGICAL CALCIFICATION أربعة

DYSTROPHIC CALCIFICATION

ده نوع من أنواع الpathological، الpathological يعني كالسيوم هيتربس في نسيج، في ال dystrophic calcification العيب عيب النسيج بس الكالسيوم level طبيعي، لأن في النوع الثاني المنتشر (metastatic calcification) الطبيعي لكن الكالسيوم نسبته عالية.

اشهر نوعين في الcalcification، وأول نوع اسمه dystrophic العيب عيب الtissue عشان كده بنقول dystrophic يعني الأنسجة الوحشة

ال dystrophic calcification هو calcification of dead or degenerated tissues الأنسجة الميتة أو الضامرة in spite of normal blood calcium level يعني نسبة الكالسيوم في الدم عاليه ولا طبيعيه؟ طبيعيه، يعني العيب عيب كالسيوم ولا نسيج؟ نسيج، عشان كده سموه dystrophic يعني الأنسجة الوحشة

ليه النسيج لما يموت يترسب فيه كالسيوم؟ لأن الخليه لما تُقَتَل تكبر ولا تصغر؟ تكبر تبقى acidic ولا alkaline؟ alkaline، طب إزاي تبقى alkaline؟ الكالسيوم بيطلع منها phosphatase اللي بيخليها alkaline، الphosphatase يقلل ال phosphate ال هو حامض وخذتوا في الفسيولوجي إن في حاجه اسمها calcium phosphate equilibrium، ال phosphate قل يبقى الكالسيوم هيزيدن يبقى سبب الترسيب simply بسبب alkalinity of cells أي خليه لما تموت هتبقى alkaline ف simply الكالسيوم هيتربس، بس المشكله في ال examples لأن كل ال examples لازم

تحفظوها، وكل examples دي أمراض هتشرح in details هوريكوها على كل مرض صوره وأفرها الكوا عشان تبقى سهله تحفظوها

اشهر أمراض بيموت فيها خلايا فيترسب الكالسيوم :

ATHEROSCLEROSIS

بيترسب cholesterol في subendothelium فيمنع blood supply فالخلايا تموت، شايفين الأزرق اللي تحت في subendothelium ده، ليه مش ابيض؟ هو الكالسيوم لونه ازرق يا جدعان؟! دي بالصبغه بالميكروسكوب اشهر مرض يترسب في الكالسيوم atherosclerosis لدرجه ان ممكن تلاقي aorta بتاع العيان بقى عبارة عن عظمه مخرومه، تيجي تمسكه في العمليات يتكسر تحت ايدك، ده بيحصل بسبب dystrophic calcification لأن aorta ده سليم ولا diseased؟ disease ده موت خلايا

تاني example الصوره اللي قدامكوا دي بتاعه واحد كان رئيس قبيله كان عنده goiter وهو تضخم الغده الدرقيه بسبب غير سرطاني، ساعتها blood supply ميكفيش والخلايا تموت ويترسب عليها كالسيوم، ده goiter كان زمان في جنوب أفريقيا يقولوا الأنسان تعرفوه إزاي حكيم؟ لما يبقى عنده goiter أكبر فكانوا يجيبوا أكبر واحد عنده goiter ويخلوه رئيس القبيله

goiter خلايا بتموت فيترسب عليها الكالسيوم، العيب عيب كالسيوم ولا عيب نسيج؟ نسيج

لحد دلوقتي خدت كام مرض يحصل فيه dystrophic calcification؟ اتني

1) atherosclerosis

2) goiter

LEIOMYOMA

الصوره اللي قدامكوا دي، ده ورم حميد اسمه leiomyoma يعني إيه كلمه leio؟ leio يعني smooth

myo يعني muscle، oma يعني ورم

ده ورم حميد smooth muscle بتتكاثر ده بيسموه الورم الليفي، اشهر ورم فر رحم البنات والسيدات، مفيش بنت فوق العشرين سنه الأ وعندها leiomyoma

leiomyoma smooth muscle متكاثره، blood supply مبيكفيهاش فبتموت ويترسب عليها كالسيوم، يعني

dystrophic calcification بيحصل في benign tumor

الصوره اللي قدامكوا دي mammogram لواحد عندها breast cancer malignant tumor بتتكاثر بسرعه برضو

blood supply مبيكفيهاش فيحصل dystrophic calcification

الصوره دي كمان، اللي قدامكوا ده aortic valve صمام الأورطى متأثر بحاجه اسمها chronic rheumatic valvitis

التهاب الحمى الروماتيزميه المزمن اللي موتت خلايا aortic valve فيترسب عليه كالسيوم وبقي عبارة عن حته

عظمه وطبعاً ده مش شغال فلانم يستبدل، this is aortic chronic rheumatic valvitis ايه الي موت الخلايا؟ الحمى الروماتيزمية

إيه كمان ممكن تتكلس؟ parasite وبيضاتها الي موجوده جواها، الي قدامكوا ده bilharzia ova دي كائن حي مكون من خلايا، لو ماتت جسمنا هيكلسها، فالي قدامكوا دي calcified bilharzia ova ليه اتكلست؟ لأنها ماتت وما ماتت اترسب فيها كالسيوم، عشان كده يا دكاتره العيب هنا عيب الـ tissue ولا عيب الكالسيوم؟ tissue

صوره تانيه وياما مسالك كلوا فيها خوازيق، الي قدامكوا دي X-ray شايف فيها حصوه أهى دي بنسملها phlebolith يعني إيه phlebolith؟

مفيش ست على وجه الأرض لو حملت حتى مره واحده، لو بنت او ست مش حامل حطيت إيدي على بطنها محس uterus لأن الـ uterus صغير طولُه 2x3x1 inch، على الأسبوع الـ 12 (الحمل 40 أسبوع) على الأسبوع الـ 12 يوصل عند symphysis pubis، عند الأسبوع الـ 20 الـ umbilicus على الأسبوع الـ 36 الـ xiphisternum على الأسبوع الـ 40 يبقى midway بين الـ xiphisternum والـ umbilicus ليه الواد صغر؟! لأ، الـ xiphisternum يعني diaphragm خلاص هيروح فين وهو لسه هيكلر؟ فيروح قالب على قدام وبطنها تبوز لقدام، الفلاحين يعرفوها تيجي واحده عجوزه تحد ايديها على بطنها تقولها مبروك يا حبيبتي في الأسبوع ده إن شاء الله هتولدي تقولها عرفتي منين يا حابه؟ تقولها بطنك بوزت فاهمين حابه؟!

المهم ده دليل إن الـ uterus كبير جداً، الضغط جوه الـ abdomino pelvic عالي ولا واطي؟ عالي، فالدم في الـ pelvic vein مبيعدش، فالدم يتجلط ويحصل thrombosis الخلايا الي عامله thrombus عايشه ولا ميتة؟ ميتة، فتروح متكلسه فتبقى حجره جوه الـ vein سموها phlebolith يعني إيه phlebolith؟

phleb ← vein

lith ← صخره

خلي بقى الست دي تروح عند دكتور مسالك يعملها X-ray بالصدفه فيشوف الحصوه دي في الـ X-ray فين؟ في الـ ureter لأن الـ pelvic vein مع نفس الـ course بتاع الـ ureter فالـ X-ray مش هتبينله فيروح فاتح الـ ureter ويكتشف إن الـ ureter مفيهوش حابه! يعمل إيه؟ أنا قصدي يعمل إيه عشان يتجنب الخازوق ده؟ يعمل صبغه، بتصبغ المسالك البولية فيعرف إن في حصوه مش موجوده، فمهم يبقى حاطط في دماغه إن في حابه اسمها phlebolith

آخر شئ ممكن يتكلس لأنه مات الطفل في بطن أمه، الصوره دي محصلتش في التاريخ غير 5 مرات، آخر حاجة ممكن تتكلس في جسم الإنسان "الطفل في بطن أمه" محصلتش في العالم كله غير 5 مرات منهم مرتين في القصر العيني عندنا. لأنه لو فيه طفل مات جوه بطن أمه وهي حامل فيه، لازم ينزل بسرعة لو منزلش هي هتموت بـ DIC حاجة اسمها DIC تبقى نشرحها، ولكن 5 مرات في العالم الطفل عايش جوه بطن أمه، مات وأمّه ممتتش، ليه ممتتش؟! I don't know ساعتها الـ Tissue بتاعت الطفل دي بقت إيه؟ فيترسب الـ Ca بتاعها كله فيه من غير ما يموتها، ليه؟ منعرفش

وسموا الـ Condition ← Lithopedion

لأن كلمة Litho ← stone و Pedion ← طفل، الي جت منها كلمة Pediatric (علم الأطفال طب الأطفال)

Lithopedion ← الطفل المتحجر محصلش في العالم كله غير 5 مرات منهم مرتين في القصر العيني وكان عندنا (Jar) Lithopedion في قسم الباثولوجي وزيه في قسم النساء، والأثنين اتسرقوا في يوم واحد اه لأن بيقال (عندما تتجمد الحياة في المهد فإن هناك قوة شريفة تؤثر في مش عارف ايه) فيسرقوا الواد ويعملوا عليه شوية سحر، أي كلام.
ده اسمه Lithopedion محصلش في الدنيا كلها غير 5 مرات منهم مرتين في القصر العيني .

ده النوع الأول من انواع الـ Pathological calcification العيب عيب نسيج ولا عيب كالسيوم؟
عيب نسيج،

METASTATIC CALCIFICATION

لأن النوع الثاني المهم اسمه Metastatic calcification هو ↓
calcification of normal tissue due to hypercalcaemia
لو زاد الـ Ca في الدم، الـ Normal tissue في كل الجسم تتكلس، العيب عيب Ca.

ايه أسبابه؟

هي أسباب الـ hypercalcaemia. الي هي زيادة افراز الـ parathormone
(ياما بسبب adenoma Benign tumor hyperplasia تكاثر في الخلايا ← فيطلع parathormone كثير،
دي بنسميها
primary hyperparathyroidism.

Primary ← من غير سبب، هي اتجننت hyperplasia tumor
hyperpara يعني زيادة في الـ parathormone

يبقى primary hyperparathyroidism هتزد نسبة الـ Ca، المؤلف كتب خطأ Secondary
hyperparathyroidism هل الـ Secondary من أسباب الـ hypercalcaemia؟ ؟ لالأ لا

نتيجة الـ dead silence ده انا فهمت كل حاجة، الـ secondary هل هو من أسباب زيادة الـ Ca؟ غلط
الـ secondary ← compensatory بيزيد الـ parathormone عشان يصلح النقص
عموماً نسبة الـ Ca هتزيد عن الطبيعي، فهمتوا حاجة.
يبقى الأسباب، أسباب زيادة الـ Ca ← primary hyperparathyroidism صح ولا غلط؟ ✓

والـsecondary ×

اكتب في الامتحان . hyperparathyroidism which may be primary...

N.B → Secondary hyperparathyroidism is not a cause of hypercalcemia

واللي يقول كده يبقى غلطان، عيب عليك دي كلمتنا مفيش حد عندنا في الباثولوجي معرفش المعلومة دي، والمؤلف يعرفها كويس جداً، ده خطأ مطبعي، خطأ هو مكتبوش أساساً، مشفهوش نقل من حته قديمة لكن actually مفيش حاجة كده.

ايه كمان من أسباب زيادة الـCa الـsource الثاني للـCa العظمة، لو عندي أي مرض بيكسر العظمة هيطلع من العظم اللي بيتكسر ده ايه؟ ← Ca
فلو حد عنده tumor في العظم زي leukemia والـmyeloma، دي سرطانات هتكسر العظم والـCa هيزيد ويترسب.

أو Excess intake of Ca انت معندكش system للتخلص من الـCa، ايه أكثر ناس بيجيلهم تكلس الـCa بسبب انهم بياخدوا Ca كتير

الناس اللي عندهم Peptic ulcer ← لأن ايه أكثر حته بتيجي فيها القرحة الهضمية "Peptic ulcer" ؟
الـduodenum فيحسوا بحرقان وكل شوية يشربوا لبن، لأن اللبن amphoteric بس rich in Ca، يشربوا Ca بدرجة إنهم يتكلسوا، محدش بيقبلهم إن شرب اللبن غلط، بيحصل بسبب الـ excess intake of milk

آخر سبب SARCIDOSIS

ايه ده؟! دي مرت علينا قبل كده في المنهج (Granuloma)، ايه الفرق بين الدكتور الشاطر و الدكتور الخايب؟
ببيان الفرق بعد أول أسبوعين في الباثولوجي، كل العلم جميل لو بتقوله أول مرة، لكن العلم لما يتكرر، لأن فيه ناس بالنسبة لهم أول مرة واللي بعديها أول مرة واللي بعديها أول مرة.

فيه عيال شاطرة أهم قالوا Granuloma، الـGranuloma كان أي نوع من أنواع الـGranuloma ← كان
Infected ولا foreign body ؟

لا دي ولا دي، كان unsettled مرض التلحم، لأن الـSarcoidosis، الـMacrophge بتتجمع حوالين حاجة احنا
منعرفهاش لقوها بتطلع "parathormone like hormone" parathormone
فخدناها primary hyperparathyroidism.

دي أسباب زيادة الـCa، الـCa هيزيد هيعمل hypercalcemia ويبدأ الجسم كله يتكلس ولكن فيه انسجة هتتكلس
الأول

هو الـCa ← acidic ولا alkaline ؟ ← Acidic

فهيجب يترسب الأول في tissue الي حسميها الي relatively alkaline معندناش في جسمنا أنسجة acidic alkaline, عندنا relatively و transient بس، لأن جسمنا أساساً neutral.

من الأنسجة في جسمي الي relatively alkaline ← الي بتـ secrete acid، لأن لما الـ tissue يـ secrete للـ acid الـ tissue بتقرب من relatively alkaline لأنها فقدت الـ proton.

1 - زي الـ stomach، بتطلع الـ gastric HCL.

2 - الـ kidney بتطلع "acid" urine

3- الـ Lung، الـ alveoli ايه الـ acid الي بتطلع الـ alveoli؟ الـ CO_2 .

الـ CO_2 ← acid، لو حطيت في مية هيطلع الـ Carbonic acid.

4- Media of blood vessel of organ. بيحصل فيها. disassociation of proton ion.

أربعة ORGANS يبدأ التكلس فيهم الي هم RELATIVELY ALKALINE الي هم بيـ SECRETE ACID في الأول ↓

1- Stomach

2- kidney

3- Lung

4- Media of BV

بعد كده الجسم كله يتكلس.

في الـ Dystrophic ← الجسم كله يتكلس ولا نسيج؟ نسيج
ايه عيب النسيج؟ dead أو degenerated.

لكن نسبة الـ Ca ← Normal

الـ Metastatic ← عيب Ca ولا نسيج؟ Ca

الـ tissue أخبارها ايه؟ Normal

لكن الـ Ca؟ Hypercalcemia، ولازم تعرفوا كل الأسباب على فكرة.

فيه أنواع ثانية من الـ pathological calcification مش مهمة.

اعملوا جدول مقارنة ما بين الـ Dystrophic والـ Metastatic.

قارنوا الـ Tissue والـ Ca والـ Example، والنوع

كل واحد يعملها ف ورقة ويلزقها مكان الـ Dystrophic والـ Metastatic ويذاكر منهم النوعين على شكل جدول.

النوع الثالث من أنواع الـ abnormal calcification

الصورة الي قدامكوا دي عبارة عن Lung فيها الـ Metastatic calcification

حد شايف الـ calcification الي في الرئة؟ الأحمر ده والأبيض ده، وده الـ calcification فيه؟ الأزرق.

النوع الثالث من أنواع الـ abnormal calcification اسمه Idiopathic calcinosis يعني إيه Idiopathic؟

ملوش سبب، يعني ايه Calcinosis؟ يعني calcification، هنا الـ Ca يترسب في أنسجة. هل النسيج بايظ؟ لأ

هل الـ Ca عالي؟ لا، يبقى يترسب الـ Ca ← with unknown cause
 عشان كده سموه Idiopathic ،لأن احنا منعرفلهاش سبب، وده نوعين:
 يا إما يترسب في حته بس في الجسم وأشهر حته هي الجلد بيسموها Tumoral calcinosis شافين الـ Ca مترسب فين؟
 في الجلد، الجلد حته من الجسم، فده Localised وسموه Tumoral calcinosis
 يعني الـ calcinosis اللي بقى عامل زي الـ Tumor في الـ MCQ
 Tumoral calcinosis - (benign – Malignant – Not tumor ✓) ←
 اسمه tumor لكنه مش tumor، أماله سموه Tumoral؟

لأنه بيعمل Tumor فاهمين حاجة؟! tumor ← يعني swelling! وده Idiopathic calcinosis، لأن ممكن، دي
 محصلتش في الدنيا غيرمرة واحدة، يترسب الـ Ca في الجسم كله من غير سبب ودي الصورة ده واحد ميت في الأرجنتين
 مات وجسمه كله متكلس، شعره اللي فوق ده باروكة هم ملبسينهاله مش شعره الأصلي وملونينه بالماكياج عشان يبقى
 شكله كأنه إنسان طبيعي، مخطوط في متحف في الأرجنتين، محصلتش في الدنيا كلها
(calcinosis universalis)

ده العيب التالت من أنواع التكلس من غير سبب، لاعيب Ca ولا نسيج ده Idiopathic calcinosis.
 آخر نوع من أنواع الـ calcification اللي ملوش قيمة أوي هو الـ **Stones** (الحصوات) عارفين الحصاوي اللي هي
 Urinary أو Billiary أو Salivary، كل الحصاوي دي نوع من أنواع الـ calcification لكن هنشرحها بعدين.

كده خلص أول نوع من الـ extracellular deposition ← pathological calcification

AMYLOIDOSIS

كده هاخذ الحاجة الثانية، مش هاخذها هاخذ مقدمتها بس، مرض بيسموه شبيه النشوي المرض ده آخر ضحية له
 كان واحد مشهور عندنا في مصر، اخر ضحية له هو عمر سليمان سمعتوا عنه؟ عمر سليمان ده لما مات في الإمارات قالوا
 الدكاترة سبب الوفاة الشبيه النشوي أو Amyloidosis.

قبل ما ابدأ الـ Amyloidosis هقول جملتين ↓

Is not a disease → Amyloidosis is not a disease, it's the end of any chronic destructive disease.
 is a professor diagnose. a doctor diagnose

مش حكاية منظرة والله، amyloidosis عشان أوضه لكم هارجع بالتاريخ 1948 في المانيا في برلين قصة الاكتشاف
 كان فيه مصحة لعلاج مرض السّل، تسمعوا عن السّل؟ ده bacterial infection اسمها الصح السّل - الدرن - طان
 دكتور شاطر هناك لاحظ إن لو كان فيه 100 عيان مصاب بالسّل، 90 % منهم يعني 90 واحد منهم هيموت بسبب فشل
 كلوي، و10 % هيموتوا بسبب كحة الدم مش شغلنا.

فكان أول تعبير قالك إن بكتيريا السّل اتنقلت من الرئة وراحت للكلية، لكن انتم عارفين

بكتيريا السِّل مبتتحرکش لولا إن ال Macrophage هي الي تشيلها.
استنى لحد ما 90 عيان ماتوا الي جالهم renal failure وراح فاتح كرشم ومطلع كلاويهم، لو كان الحكاية إن بكتيريا السِّل انتقلت من الرئة للكلى، كان المفروض نشوف ايه في الكلى بتاعتهم؟
نشوف **caseous necrosis**. يعني نلاقي الكلى مليانة جبنة ولكن هول المفاجأة ! لقي الكلى بتاعتهم كبيرة وناشفة، لأ مش ناشفة بسبب الكالسيوم ، firm يعني فيه حاجة أضيفت عليها فيه حاجة اترسبت جواها، وكان يتوجب على هذا العالم الألماني إنه يجاوب على سؤالين :

- 1- ايه الي اترسب في الكلى؟
- 2- إيه علاقة السِّل بالمادة الي اترسبت دي؟

الدكتور وقف هنا لأن الي يتعامل مع نوعية المواد دول مش دكاترة دول كلية علوم واسمهم biochemists، وكان فيه ساعتها أعظم عالم biochemistry على مر التاريخ؛ لأن هذا العالم الأمريكي من أصل الماني هو الوحيد الي خد جائزة نوبل 5 مرات متتالية، كان عالم ملوش حل وطلع كل كلامه غلط بعد كده وأظن هو الي كان ماسك نوبل! المهم راحوا قالوله خد عايزين نجاوب على سؤالين: إيه المادة الي اترسبت وبوظت الكلى؟ وإيه علاقتها بمرض السِّل؟

بس ده كان دكتور biochemistry وبتوع ال biochemistry كلهم بيقسموا المواد لـ carbohydrates و lipids و proteins، وبيكشفوا عن نوعية المواد بوجود حاجة اسمها indicators الكواشف، قالهم بسيطة فين الكلية؟ ادوهاده وراح ماسكها وقاطعها 2 كأنه بيقطع بطاطساية، ما هو كاشف ال carbohydrates؟ Iodine، راح دالقه على نص البطاطساية على نص الكلية، المفروض لو ده starch تدي لون إيه؟ أزرق، بس هي ما ادتش لون أزرق، إدت dark brown فقالك يمكن الجو ساقعة راح مديها 1% sulfuric acid فازرقت، فقالك خلاص المادة دي مش نشا ولكنها شبيهة النشا وراح مسمي المرض Amyloidosis
(amyloid = starch هو الي بيكسر النشا؟ oid = شبيهه)

وقال ال amyloidosis هو الشبيه النشوي، وتقدم العلم واكتشفوا إن العالم الي خد جايزة نوبل 5 مرات متتالية ما كان الأ حمار كبير، لأن المادة دي مش carbohydrate خالص؛ المادة دي abnormal protein. أنا لحد دلوقتي جاوبت على أول سؤال

الصور الي قدامكو دي ده cell membrane و cytoplasm، زي ما إنتو شايفين amyloidosis مترسب فين؟
extracellular، فين؟ على ال cell membrane؟؟؟ على الهوا؟؟؟ لأ، ال amyloid ده protein هو مش واحد ده أنواع كتير مايترسبش إلا على ال reticulin fibers الي مش موجودة الأ في ال basement membrane of blood vessels وال endothelial cells.

يبقى نرجع نمشي بشكل scientific لأن لسه ماجاوبتش السؤال الثاني، إيه علاقة السِّل بإن المادة دي زادت؟ وماينفعش دلوقتي أجابه؛ هقولكم بعد 5 دقائق.

Definition

Amyloidosis is extracellular deposition of amyloid (abnormal proteins) in reticulin fibers in basement membranes of blood vessels and endothelial cells.

هل amyloid دي تسمية صحيحة؟ هل هو carbohydrate in nature؟؟ لأ.

الصلبكم الدنيا وأجري شوية، إنتو عارفين الـ amyloid بيبوظ الخلايا إزاي؟ بالـ **ischemia** الـ amyloid مش بيبترسب جوه الخلية فيموتها؛ ده بيبوظ الـ blood supply بتاع الـ organ لأنه بيبترسب في الـ walls of blood vessels والـ basement membranes وفي النهاية الأنسجة هتموت بسبب نقص الدم، ولو حصل في باقي الجسم هل يمكن علاجه؟ عشان كده قتلكو الـ **amyloidosis is not a disease** **it's the end of any chronic destructive disease**.

لو لقيت واحد عنده amyloidosis يبقى الله يرحمه مالوش علاج، amyloidosis is a cause of death.

هتلاقوا بعد الـ definition مكتوب حاجة غريبة؛ إزاي نأكد التشخيص، ليه؟ إشمعني هنا كتبنا الـ stain؟ لأهمية المرض لأن إنت لو حكمت على إنسان وقلت إن عنده amyloidosis يعمل إيه العيان؟ يروح يموت؛ يجهز كفن، فلازم مايقاش تشخيص دكتور في عيادة؛ لازم تشخيص professor of pathology.

نخشه إزاي؟

1. فيه صبغات **gross stains** بس مش للأحياء دي للأموات، الـ gross stain بنعملها على الـ organ، إيه الـ gross stain بتاعة الـ amyloid؟؟

لو حطينا **iodine** على الـ organ اللي فيه amyloid يدنا **dark brown** وباقي الـ tissue يبقى **light brown**، ولو أضفنا بعد كده **1% sulfuric acid** يدنا أزرق.

2. هل فيه حاجة **microscopic stain**؟ يعني ناخذ عينة وهو عايش ويتأكد إن فيه amyloid؟ آه فيه:

a. إيه الـ protein stain اللي إحنا بنستخدمها؟ **H&E**، لو جبنا واحد عنده amyloid وأخذنا biopsy من أي حته شاكين إن فيها amyloid الـ amyloid بيان **pale red** والـ wall of blood vessel تخين أوي، بس هنا فيه خازوق كبير أوي؛ كل الحاجات اللي بتيجي في الـ wall of bv بتبقى **pale red**، يعني إحنا أخذنا الحصة اللي فاتت الـ hyalinosis بيبقى **pale red** والفرق بين الـ hyalinosis والـ amyloidosis فرق السما من العمى، لأن الـ hyalinosis ملوش قيمة لكن الـ amyloidosis قاتل. فقالوا الـ H&E ماتنفعش لأنها مش بتفرق بين الـ amyloidosis والـ hyalinosis والـ necrosis

b. اكتشفوا في دولة إفريقية كان اسمها زمان زائر دلوقتي اسمها Congo صبغة جميلة أوي بتلرزق في الـ amyloid بس اسمها **Congo red stain** بس أما بتيجي تصبغ الـ amyloid بتصبغه باللون ده، آدي الـ wall of blood vessel بس خلوا بالكو هنا ما أخذتش الـ wall كله؛ خدت الحته اللي فيها amyloid بس، بتصبغه بـ **orange red** يعني أحمر بطيخي ودي عايزة عين إيه عشان يجييوها، بتوع الـ pathology متدربين يجييوها، لكن قوة الـ congo red stain مش بتدي **orange red** لأ خالص، قوته إنه بيدى **apple- green birefringence under polarizing lens**، يعني إيه؟

الـ amyloid بالـ **H&E** ← **pale red**، بالـ **congo red** ← **orange red**

كنا عايزين نطلع من اللون ده، فعملوا technique بردو بالـ congo red بس هيعملوا حاجة تخليه يدي لون تاني، إزاي؟ عشان تفهموا الـ **apple- green birefringence under polarized light** هرجع بيكو لأيام طفولتي أنا، أيام ما كان جدي يروح يحج وكان بيبعتلنا كروت معايدة وكانت طالعة موضة حاجة بقى صحيحة، قال إيه ياخويا تبص للكرت كده

تشوف الكعبة؛ تعمل الكارت كده تشوف المدينة.

أنا بقى أما كان يروح الحج أقوله إوعى تبعتلي الكارت بتاع الكعبة/المدينة ده خالص؛ ابعتلي الكارت بتاع البنت اللي تبص كده تلاقيها تفتح تبص كده تغمض، إزاي بيعملوها دي؟ والكارت ده أما نيجي نحكه بضوافرنا يعمل صوت، ليه؟ لأن لو مسكتوا الكارت ده وحطيتوه تحت ال microscope هتكتشفوا إنه مكون من ملايين ال pyramids ودي لها 3 أوجه، يبجوا على وجه محدد من كل ال pyramids ويرسموا صورة، وعلى وجه ثاني يرسموا الصورة الثانية، لو جه نور وقع على الزاوية اللي بتاخذ الوجه الأول هتظهر الصورة الأولى؛ لو عكست وخليت النور يواجه الوجه الثاني هتظهر الصورة الثانية، فهمتوا الفكرة دي؟

ال amyloid هو مجموعة من ال proteins بس ال amyloid تركيبه β_2 fibril، يعني إيه؟ بتوع ال biochemistry بيقلوا ال amyloid molecule جزئين: حاجة اسمها ال P component وده normally موجود في ال serum، و fibrillary component وده ال abnormal، وال 2 لازقين في بعض عند زاوية 90°.

لو جبت ال congo red هيصبغ ال P وال fibrillary component، أما تيجي تحطه تحت النور العادي اللي بيطلع in all directions يدي orange red. وإحنا مانقدرش نحرك ال slide مش هنشوف حاجة، لكن نقدر نتحكم في ال light اللي طالع من ال microscope؛ بنجيب عدسة اسمها polarizing lens نحطها بين الضوء وبين ال slide، لو أنا حاطط العدسة كده بسمح إن الضوء اللي في زاوية 0° إنه يعدي ويخبط في ده ويدينا لون red or yellow، لو مسكت العدسة لفيته كده هسمح فقط للضوء زاوية 90° إنه يعدي فتخبط في دي ويدينا اللون ال green. فإنت تحط ال slide وتقعّد تلعب بالعدسة هتلاقي النور بيتلاّ بين الأحمر والأخضر، أول كارت معايدة عملوه كان تفاحة خضراء تبص كده تبقى حمراء، فراحوا عملوا الحركة دي مع ال amyloid.

أهم صبغة تحلف بيها إن ده amyloidosis هي ال congo red؛ هل عشان بتدي لون orange red؟ لأ عشان بتدي apple- green birefringence under polarized light.

c. عملوا صبغات تانية مالهش لازمة اسمها **metachromatic stains** زي ال crystal violet وال methyl violet ودي كلها بتصبغ ال amyloid بال rose وال normal tissue بال violet. ال nature of amyloid أنا هأجلها أما أشرحها مع التقسيمة.

إزاي نشخص ال amyloid

لو autopsy بال gross stain ولو لسه عايش ناخذ biopsy، إيه أحسن حته ناخذ منها biopsy؟ ال gingiva وال rectum؛ إشمعنى؟ أسهل حته ال 2 قدامك، لكن حضرتك هتاخذله من ال kidney إزاي؟

ال amyloidosis بيقسموه نوعين النهارده هنشرح جزء من نوع واحد. أشهر نوع

Systemic (Generalized) Amyloidosis

يعني الـ amyloid بيتسبب في الجسم كله فالعيان يموت بسبب multiple organ failure و heart failure و renal failure و liver failure و suprarenal failure.... أي حاجة.

الـ generalized amyloidosis نوعين كبار:

1. **B Cell Dyscrasias (Primary Amyloidosis)**

يعني إيه primary؟ سببه مش معروف؛ سببه كان مش معروف، دلوقتي بيسموه β cell dyscrasias يعني جنان الـ β lymphocytes يعني سرطان الـ β lymphocytes.

إنتم عارفين الـ β cells بتتحول لـ plasma cells اللي بتطلع الـ antibodies اللي هي عبارة عن immunoglobulins ودي عبارة عن light chain و heavy chain. دي سرطانات بتطلع من الـ β cells زي مرض اسمه multiple myeloma أو plasmacytoma. المرض ده كان مشهور جدا وأشهر واحد أصيب بيه محمد فوزي صاحب رائعة ماما زمانها جاية.

لو اتجننت الـ β lymphocytes واتحولت لـ plasma cells هتطلع normal ولا abnormal immunoglobulins؟ abnormal.

هتطلع إيه من الـ immunoglobulins؟

السهل على الخلية المجنونة تطلع heavy chain ولا light chain؟ هتطلع كمية رهيبية من الـ abnormal light chains ودي abnormal proteins، أي abnormal proteins لو زادت في جسمك هيعمل الـ fibrillary component of abnormal proteins وفيه جوه الـ plasma حاجة اسمها P component فالـ abnormal protein يلزق فيه ويعمل الـ amyloid. الـ amyloid مش protein واحد ده مجموعة من الـ proteins.

فهنا في الـ B Cell Dyscrasias (Primary Amyloidosis) إيه نوع الـ fibrillary component الـ protein الـ abnormal اللي زاد؟ الـ light chain عارفين بيسموه إيه؟ **AL amyloidosis**، يعني إيه AL amyloid light chain؟ معظم الناس بيموتوا بـ heart failure.

2. **Reactive Systemic Amyloidosis (Secondary Amyloidosis)**

النوع الثاني هيجاب السؤال اللي سالتة في الأول.

أي واحد عنده **chronic destructive disease** مرض مزمن بيكسر جسمه - عمر سليمان كان عنده rheumatoid arthritis وده autoimmune disease بيضرب مفاصل جسمه -، الناس اللي عندها سل أو suppuration of lung أو lung abscess صديد في الـ empyema pleura - تمدد شعبي أو سرطان ... كل دي أمراض بتكسر الجسم.

By unknown mechanism الـ liver يطلع abnormal protein.

إحنا مانعرفش بيطلعه ليه بس اللي نعرفه كويس إن هذا الـ abnormal protein بيتحد مع الـ P component في الدم ويكون amyloid يترسب في باقي الجسم ويموته فسموا هذا الـ fibrillary protein اللي بيطلع في كل الأمراض دي **AA protein**، يعني إيه AA؟ Amyloid associated protein لأن لما بيزيد بيحصل amyloidosis.

هل أنا جاوبت على السؤال ليه 90% من العيانيين اللي كان عندهم TB كانوا بيموتوا بـ renal failure؟ لأن دول نسبة الـ AA زادت، طب ليه زادت؟ عشان عندهم TB، طب وليه الـ TB بيزود هذا الـ protein؟ لأنه chronic destructive فالـ liver هيطلع الـ AA protein فيتحد مع الـ P component ويترسب في كل الجسم بالذات الكلى. I will stop here أنا اللي شرحتة ¼ صفحة باقي صفحتين هيتاخدوا في 5 دقائق لأنهم مبنيين على اللي اتقال.

بس قبل ما نمشي. الـ amyloid ده disease؟؟ لأ ده the end of any chronic destructive disease.

ينفع عيان عنده amyloidosis تقوله هديك دواء وتبقى زي الفل؟؟ لأ.

هل فيه حاجة اسمها الـ amyloid protein؟ لأ، ده مركب واحد؟؟ لأ ده 7000 مليون واحد، أي abnormal protein يزيد في جسمك يتحد مع الـ P component ويعمل amyloidosis.